

第〇五三册

方輿彙編

坤輿典

雜部 黃部

灰塵部

水部

冰部

泉部

(卷)

三

三

三

三

三

古今圖書集成

中華書局影印

欽定古今圖書集成方輿彙編坤輿典

第二十三卷目錄

礬部彙考

宋史 食貨志

本草綱目

天工開物

漳州府志

礬部紀事

礬部雜錄

礬部彙考

山海經

淮南畢萬術

博物志

益部方物志

本草綱目

天工開物

礬部紀事

礬部雜錄

礬部外編



坤輿典第二十三卷

礬部彙考

宋史

食貨志

礬唐于晉州置平陽縣以收其利開成三年度支奏罷之乃以礬山歸之州縣五代以來復漸務置官吏宋因之白礬出晉慈坊州無爲軍及汾州之靈石縣綠礬出慈州及池州之銅陵縣皆設官典領有錢戶嚮造入官市晉汾慈州礬以一百四十斤爲一駄給錢六千陽州礬減三十斤給錢八百博賣白礬價晉州每駄二十一貫五百慈州又增一貫五百綠礬汾州每駄二十四貫五百慈州又增五百陽州每駄四貫六百散賣白礬坊州斤八十錢汾州百九十二錢無爲軍六十錢綠礬斤七十錢建隆中詔商人私販幽州礬官司嚴捕沒入之繼定私販河東幽州礬一兩以上私嚮礬三斤及盜官礬至十斤者棄市開寶三年增私販至十斤私嚮及盜滿五十斤者死刑餘罪論有差太平興國初以歲嚮不充通詔私販化外礬一兩以上及私嚮至十斤並如律論決再犯者悉配流還復犯者死淳化元年有司言慈礬積小民多於山谷僻輿之地私嚮侵利而綠礬價賤不宜與晉礬均法詔同犯私茶罪賞先是建隆二年命左諫大夫劉熙古詣晉州制置礬許商人輸金銀布帛絲錦茶及緡錢官償以礬凡歲增課八十萬貫太平興國初歲博緡錢金銀計一千二萬餘貫茶計二萬餘貫端拱初銀絹帛二萬餘貫茶計十四萬貫至是言者謂礬直酬以見錢商人以陳茶入博有利豪商

無資國用詔今後惟聽金銀見錢入博至道中白礬歲課九十七萬六千斤綠礬四十萬五千餘斤嚮錢一十七萬餘貫眞宗末白礬增二十萬一千餘斤綠礬增二萬三千餘斤嚮錢增六萬九千餘貫天聖以來晉慈二州礬募民嚮之季嚮礬一盆多者千五六百斤少者六七百斤四分輸一入官餘則官市之無爲軍亦置務嚮礬後聽民自嚮官置場售之私售礬禁如私售茶法六年詔弛兩蜀權礬之禁時河東礬積益多復聽入金帛芻粟芻粟虛估高商人利於入中礬州粟斗實直錢百虛估增至三百六十礬之出官爲錢二萬一千五百纔易粟六石計粟實直錢纔六千而礬一駄已費本錢六千縣官徒有權礬之名其實無利嘉祐六年罷入芻粟復令入緡錢礬以百四斤爲一駄入錢京師權貨務者爲錢十萬七千入錢麟府州者又減三千自是商賈不得專其利矣皇祐中晉慈入礬二百二十七萬三千八百斤以易芻粟之類爲緡錢十三萬六千六百無爲軍礬售緡錢三萬三千一百治平中晉慈礬損一百九萬六千五百四斤無爲軍礬售錢歲有常課發運使領之視皇祐數無增損陽州礬至是人三十九萬六千斤亦以易緡錢助河東歲羅熙寧元年命河東轉運司經畫礬鹽遺利李師中言官積礬三百斤走鹵消耗恐後爲棄物詔令商人入中糧草即以償之三年罷潞州交子務以妨中納糧草等請礬鹽故也知慶州王廣淵言河東礬爲利源之最請河東京東河北陝西別立礬法專置提舉官詔遣光祿丞楊燾會議以聞燾言坊州產礬官雖置場而商多私售請置錢戶定其

數許於陝西北界黃河東限潼關南及京西均房襄
鄧金州光化軍令鑲戶通相保察或私賣越界禁如
私白礬法仍增官獲私礬輒以夾雜減斤重之法從
之元豐元年定畿內及京東西五路許賣音隰礬陝
西自潼關以西黃河以南達於京西均房襄鄧金州
則售坊州礬礬之出於西山保霸州者售于成都梓
州路出無爲軍者餘路售之私鬻與越界者如私礬
法熙寧初礬法始變歲課所入元年錢二萬六千四
百緡有奇併增者五年乃取熙寧六年中數定以十
八萬三千一百緡有奇爲新額至元豐六年課增至
三十三萬七千九百緡而無爲軍礬歲課一百五十
萬斤用本錢萬八千緡自治平至元豐數無增損元
祐元年戶部言商旅販礬舊聽其便遇者發運司請
用河東例令染肆鋪戶連保豫買頗致抑擾詔如舊
制元符三年崇儀使林像奏禁河北土礬非便若即
河北產礬地置場官買增價出之罷運官礬則官獲
淨利無運載之勞民資地產省犯法之弊詔下戶部
初熙豐間東南九路官自賣礬發運司總之元祐初
通商紹聖復熙豐之制大觀元年定河北河東礬額
各二十四萬緡淮南九萬緡能官賣從商販河東河
北淮南各置提舉官政和初復官鬻罷商販如舊制
淮南礬事司罷歸發運司上供礬錢貢以三萬三千
一百緡爲額三年有司奏減河北河東併淮南礬額
計十六萬緡四年礬額復循大觀之制五年河北河
東綠礬聽客販於東南九路民間見用者依通商地
籍之聽買新引帶賣大率循做鹽法宣和中舉比較
增虧賞罰未幾以擾民罷建炎三年措置財用黃潛

厚奏許商人販淮南礬入東南諸路聽輸錢行在而
持引據赴場支礬紹興十一年以鑄錢司韓球言撫
州青膽礬斤錢一百二十文土礬斤三十文省鉛山
場所產品高於撫青膽礬斤作一百五十文黃礬斤
作八十文二十九年以淮西提舉司言取紹興二十
四年至二十八年所收礬錢一年中數四萬一千五
百八十五緡爲定額其他產礬之所若潭州瀏陽之
末輿場韶州之岑水場皆置場給引歲有常輸惟漳
州之東去海甚邇大山深阻雖有采礬之利而潮梅
汀贛四州之奸民聚焉其魁傑者號大洞主小洞主
土著與負販者皆盜賊也
明李時珍本草綱目

礬石釋名

涅石 羽涅 羽澤 煨枯者名巴石 輕白者名
柳絮礬

李時珍曰礬者燔也燔石而成也山海經云女牀之
山其陰處多涅石郭璞注云礬石也楚人名涅石秦
人名爲羽涅

集解

別錄曰礬石生河西山谷及隴西武都石門采無時
能使鐵爲銅

陶弘景曰今出益州北部西川從河西來色青白生
者名馬齒礬鍊成純白者名白礬蜀人以當硝石其
黃黑者名鷄屎礬不入藥用惟堪鑊作以合熟銅投
苦酒中塗鐵皆作銅色外雖銅色內質不變

蘇恭曰礬石有五種白礬多入藥用青黑二礬療疳
及瘡黃礬亦療瘡生肉兼染皮絳礬本來綠色燒之

乃亦故名絳礬

蘇頌曰礬石初生皆石也采得燒碎煎鍊乃成礬也
凡有五種其色各異白礬黃礬黑礬綠礬礬也今
白礬出晉州慈州無爲州人業及染人所用甚多黃
礬丹窰家所須亦入藥黑礬惟出西戎亦謂之皂礬
染鬚鬢藥用之亦染皮用絳礬入咽喉口齒藥及染
色絳礬燒之則赤今亦稀見又有礬精礬蝴蝶巴石
柳絮礬皆是白礬也鍊白礬時候其極沸盤心有濺
溢如物飛出以鐵匕接之作蟲形者礬蝴蝶也但成
塊光瑩如水晶者礬精也三者入藥力緊於常礬其
煎鍊而成輕虛如綿絮者柳絮礬其燒汁至盡色白
如雪者謂之巴石

李珣曰波斯大秦所出白礬色白而瑩淨內有束針
文入丹窰家功力逾於河西石門者近日文州諸番
往往有之波斯又出金線礬打破內有金線文者爲
上多人燒鍊家用

李時珍曰礬石折而辨之不止於五種也白礬方士
謂之白君出晉地者上青州吳中者次之潔白者爲
雪礬光明者爲明礬亦名雲母礬文如束針狀如粉
撲者爲波斯白礬並入藥爲良黑礬鉛礬也出晉地
其狀如黑泥爲崑崙礬其狀如赤石脂有金星者爲
鐵礬其狀如紫石英火引之成金線畫刀上即紫赤
色者爲波斯紫礬並不入藥藥餌惟丹竈及瘡家用
之綠礬綠礬黃礬俱見本條其雜色者則有鷄屎礬
鴨屎礬鷄毛礬弱礬皆下品亦入外丹家用

修治

雷敫曰凡使白礬石以瓷瓶盛於火中煨令內外通

赤用鉗揭起蓋旋安石蜂巢入內燒之每十兩用巢六兩燒盡為度取出放冷研粉以紙裹安五寸深土坑中一宿取用又法取光明如水晶酸鹹濇味全者研粉以瓷瓶用六一泥泥之待乾入粉三升在內旋旋入五方草紫背天葵各搥汁一盞待汁乾蓋了瓶口更泥上下用火一百斤燬之從已至未去火取出其色如銀研如輕粉用之

李時珍曰今人但燬乾汁用謂之枯礬不燬者為生礬若人服食須循法度按九鼎神丹祕訣鍊礬石入服食法用新桑合礬一具於密室淨掃以火燒地令熱灑水於上或灑苦酒於上乃布白礬於地上以礬覆之四面以灰擁定一夜其石精皆飛於礬上掃取收上未盡者更如前法數遍乃止此為礬精若欲作水即以掃下礬精一斤納三年苦酒一斗中清之號曰礬華百日彌佳若急用之七日亦可

氣味

酸寒無毒

吳普曰神農岐伯酸久服傷人骨扁鵲鹹雷公酸無毒

甄權曰清涼有小毒

徐之才曰甘草為之使惡牡蠣畏麻黃

獨孤泊曰紅心灰礬制礬

主治

本經曰寒熱洩痢白沃陰蝕惡瘡目痛堅骨齒鍊餌服之輕身不老增年

別錄曰除固熱在骨髓去鼻中息肉

大明曰除風去熱消痰止渴暖水臟治中風失音和

桃仁蔥湯浴可出汗

甄權曰生含噤津治急喉痹療鼻衄鼻風漏瘰癧疥癬

寇宗奭曰枯礬貼嵌甲牙縫中血出如衄

李時珍曰吐下痰涎飲泔燥濕解毒追涎止血定痛食惡肉生好肉治癰疽疔腫惡瘡癩痢疾通大小便口齒眼目諸病虎犬蛇蠍百蟲傷

波斯白礬氣味

酸濇溫無毒

主治

李珣曰赤白漏下陰蝕洩痢瘡疥解一切毒蛇蟲等去目赤暴腫齒痛火鍊之良

柳絮礬氣味

同礬石

主治

大明曰消痰止渴潤心肺

發明

陶弘景曰俗中合藥火熬令燥以痛齒痛多則填齒即傷骨之說也而經云堅骨齒誠為可疑

寇宗奭曰不可多服損心肺却水故也水化書紙上乾則水不能濡固知其性却水也治瀉下涎藥多用者此意爾

李時珍曰礬石之用有四吐痢風熱之痰涎取其酸

苦涌泄也治諸血痛脫肛陰挺瘡瘍取其酸濇而收

也治痰飲泄痢崩帶風眼取其收而燥濕也治喉痹

癰疽中蠱蛇蟲傷螫取其解毒也按李近癰疽方云

凡人病癰疽發背不問老少皆宜服黃礬丸服至一

兩以上無不作效最止疼痛不動臟腑活人不可勝數用明亮白礬一兩生研以好黃蠟七錢溶化和九梧子大每服十九漸加至二十九熱水送下如未破則內消已破即便合如服金石發瘡者引以白礬末一二匙溫酒送下亦三五服見效有人遍身生瘡狀如蛇頭服此亦效諸方俱稱奇效但一日中服近百粒則有力此藥不惟止痛生肌能防毒氣內攻護膜止瀉托裏化膿之功甚大服至半斤尤佳不可欺其淺近要知白礬大能解毒也今人名為蠟礬丸用之委有效驗

附方

中風痰厥四肢不收氣閉膈塞者白礬一兩牙皂角

五錢為末每服一錢溫水調下吐痰為度陳師古方

胃中痰滯頭痛不飲食礬石一兩水二升煮一升納

蜜半合頻服須臾大吐未吐飲少熱湯引之外臺方

風痰癰病化痰丸生白礬一兩細茶五錢為末煉蜜

丸如梧子大一歲十丸茶湯下大人五十九丸服痰

自大便中出斷病根郭事舉

小兒胎寒腹痛發癰白礬煨半日棗肉丸黍米大每

乳下一丸愈乃止保幼大全

產後不語明氏孤鳳散用生白礬末一錢熟之調下

良方

牙關緊急不開者白礬鹽化等分搽之涎出自開簡集方

走馬喉痹用之白礬末塗於綿針上按於喉中立破

綿針者用榆條上以綿裹作棗核大也親門事

喉癰乳蛾濟生帳帶散用礬三錢針銕內溶化入劈

開巴豆三粒煎乾去豆研礬用之入喉立愈甚者以醋調灌之亦名通關散 法製烏龍膽用白礬末盛入猪膽中風乾研末每吹一錢入喉取涎出妙

咽喉鼓脹腫痛生礬石末少少點腫處吐涎以痒為度聖惠方

風熱喉痛白礬半斤研末水化新磚一片浸透取曬又浸又曬至水乾入糞廁中浸一月取洗安陰處待霜出掃收每服五分水下普濟方

懸癰垂長咽中煩悶白礬燒灰鹽花等分為末筋頭頻點在上去涎孫用和方

小兒舌膜初生小兒有白膜皮裏舌或遍舌根可以指甲刮破令血出以燒礬末半菜豆許傳之若不摘去其兒必啞姚和衆方

牙齒腫痛白礬一兩燒灰太露蜂房一兩微炙每用二錢水煎含漱去涎簡要方

患齒碎壞欲盡者常以綿裹礬石含嚼吐去汁肘后方齒斷血出不止礬石一兩燒水三升煮一升含漱千金方

水舌腫強白礬桂心等分為末安舌下聖惠方

大陰口瘡生甘草二寸白礬一粟大噉之噤津治法要

口舌生瘡下虛上壅定齋方用白礬泡湯濯足 張

子和方用白礬黃丹水飛炒等分研擦之

小兒鵝口滿口白爛枯礬一錢硃砂二分為末每以少許傳之日三次神驗普濟方

小兒舌瘡飲乳不得白礬和鷄子置醋中塗兒足底二七日愈千金方

口中氣臭明礬入麝香為末擦牙上衛生方

衄血不止枯礬末吹之妙聖濟方

鼻中息肉千金用礬燒末猪脂和綿裹塞之數日息肉隨藥出 一方用明礬一兩蓖麻仁七箇鹽梅肉五箇麝香一字杵丸綿裹塞之化水自下也

眉毛脫落白礬十兩燒研礬餅丸梧子大每空心溫水下七九日加一九至四十九日減一九周而復始以愈為度聖濟方

發斑怪證有人眼赤鼻張大喘渾身出斑毛髮如銅鐵乃熱毒氣結於下焦也白礬滑石各一兩為末作一服水三碗煎減半不住服盡即安夏子金方

目腎弩肉白礬石納黍米大入目令淚出日日用之惡汁去盡其疾日減外台方

目生白膜礬石一升水四合銅器中煎半合入少蜜調之以綿濾過每日點三四度姚和衆方

赤目風腫甘草水磨明礬傳眼胞上效或用枯礬頻擦眉心集簡方

爛弦風眼白礬煨一兩銅青三錢研末湯泡澄清點洗宋類方

卒死壯熱礬石半斤水一斗半煮湯浸脚及踝即得甦也附後方

腳氣冲心白礬三兩水一斗五升煎沸洗千金方

風濕膝痛脚氣風濕虛汗少力多痛及陰汗燒礬末一匙頭投沸湯淋洗痛處御藥方

黃腫水腫推車丸用明礬二兩青礬一兩白麵半斤同炒令赤以醋煮米粉糊為丸棗湯下三十九清急方

女勞黃疸黃家日晡發熱而反惡寒膀胱急少腹滿目盡黃額上黑足下熱因作黑疸其腹脹如水狀大

便必黑時溲此女勞之病非水也自大勞大熱交接后入水所致腹滿者難治用礬石燒消石熬黃等分為散以大麥粥汁和服方寸匕日三服病從大小便去小便正黃大便正黑是其候也張仲景方

婦人黃疸經水不調房事觸犯所致白礬黃蠟各半兩陳橘皮三錢為末化蠟丸梧子大每服五十九以滋血湯或調經湯下清陰方

婦人白沃經水不利子臟堅僻中有乾血下白物用礬石燒杏仁一分研勻煉蜜丸棗核大納入腸中日一易之張仲景方

婦人陰脫脫作痒礬石燒研空心酒服方寸匕日三金

男婦遺尿枯白礬牡蠣粉等分為末每服方寸匕溫酒下日三服余居士方

二便不通白礬末填滿臍中以新汲水滴之覺冷透腹內即自然通膈平者以紙圍環之經驗方

霍亂吐瀉枯白礬末一錢百沸湯調下華陀危方

伏暑泄瀉玉華丹白礬煨為末醋糊為丸量大小用木瓜湯下經驗方

老人泄瀉不止枯白礬一兩阿膠熬煨七錢五分為末米飲服二錢取愈太平聖方

赤白痢下白礬飛過為末好醋飛羅麵為丸梧子大赤痢甘草湯白痢乾薑湯下方生方

氣痢不止巴石丸取白礬一大斤以炭火淨地燒令汁盡其色如雪謂之巴石取一兩研末熟猪肝作丸梧子大空腹量人加減水牛肝更佳如素食人以礬餅為丸或云白礬中青黑者名巴石劉禹錫方

冷勞泄痢食少諸藥不效白礬三兩燒羊肝一具去脂醋三升煮爛搗泥和九梧子大每服二十九米飲下早夜各一服普濟方

泄瀉下痢白龍丹用明礬枯過為末飛羅麵醋打糊九梧子大每服二三十九白痢薑湯下赤痢甘草湯下泄瀉米湯下經方

瘧疾寒熱即上方用東南桃心七箇煎湯下

反胃嘔吐白礬硫黃各二兩銚內燒過入硃砂一分為末麵糊丸小豆大每薑湯下十五丸 又方白礬枯三兩蒸餅丸梧子大每空心米飲服十五丸普濟方

化痰治嗽明礬二兩生參末一兩苦醋二升熬為膏子以油紙包收旋丸豌豆大每用一丸放舌下其嗽立止痰即消 定西侯方只用明礬末醋糊丸梧子大每睡時茶下一三十丸 摘要用明礬半生半燒

山梔子炒黑等分為末薑汁糊為丸如上服 雜典方用白明礬建茶等分為末糊丸服

諸心氣痛儒門事親方用生礬一皂子大醋一盞煎七分服立止 邵真人方用明礬一兩燒硃砂一錢

金箔三箇為末每服一錢半空心白湯下

中諸蠱毒晉礬建茶等分為末新汲水調下二錢瀉吐即效未吐再服濟生方

蛇蟲諸毒毒蛇射工沙虱等傷人口噤目黑手足直

毒氣入腹白礬甘草等分為末冷水服二錢瑞竹堂方

驢馬汗毒所傷瘡痛白礬飛過黃丹炒紫等分貼之

王氏傳

虎犬傷人礬末納入裏之止痛尤妙附后

蛇咬蠍螫燒刀矛頭令赤置白礬於上汁出熱滴之

立瘥此神驗之方也貞元十三年有兩僧流南方到鄧州俱為蛇齧令用此法便瘥更無他苦劉禹錫傳信方

壁鏡毒人必死白礬塗之廣太平記

刀斧金瘡白礬黃丹等分為末傳之最妙救急方

折傷止痛白礬末一匙泡湯一盞帕蘸乘熱熨傷處少時痛止然後排整筋骨點藥靈苑方

漆瘡作痒白礬湯拭之千金方

牛皮癬瘡石榴皮蘸明礬末抹之切勿用醋蟲即沉下直指方

小兒風癲作痒白礬燒投熱酒中馬尾搵酒塗之母方

小兒臍腫出汗不止白礬燒灰傳之聖惠方

乾濕頭瘡白礬半生半煨酒調塗上羅生方

身面癢子白礬地膚子等分煎水頻洗之多能羅事方

腋下胡臭礬石絹袋盛之常粉腋下甚妙許亮臣方

魚口瘡毒白礬枯研寒食麴糊調傳上即消良方

陰瘡作白取高昌白礬麻仁等分研末猪脂和膏先以槐白皮煎湯洗過塗之外以楸葉貼上不過三度愈後方

足瘡生蟲南方地卑濕人多患足瘡歲久生蟲如蛭乃風毒攻注而然用牛或羊或猪肚去糞不洗研如泥看瘡大小入煨過泥礬半兩已上研勻塗帛上貼之須臾痒入心徐徐連帛取下火上炙之蟲出絲髮馬尾千萬或青白赤黑以湯洗之三日一作不過數次蟲盡瘡愈南宮從仲方

嵌甲作瘡足趾甲入肉作瘡不可履靴礬石燒灰傳之使惡肉生好肉細細割去甲角旬日取愈此方神

效附后

雞眼肉刺枯礬黃丹朴消等分為末搽之次日浴二三次即愈多能羅事方

冷瘡成漏明礬半生半飛飛者生肉生者追膿五靈芝水飛各半錢為末以皮紙裁條唾和未作小撚子香油担濕於未拖過剪作大小撚安入漏早安午換候膿出盡後有些小血出方得乾水佳藥自然生肉痊好普濟方

魚睛疔瘡枯礬末寒食麵糊調貼消腫無膿龍氏方

疔瘡腫毒雪白礬末五錢葱白煨熟搗和九梧子大每服二錢五分以酒送下未效再服久病孕婦不可服衛生方

癰疽腫毒方見發明下

陰汗濕痒枯礬撲之 又泡湯洗御藥院方

交接勞復卵腫或縮入腹痛欲絕礬石一分消三分大麥粥清服方寸匕日三服熱毒從二便出附后

女人陰痛礬石三分炒甘草末半方綿裹導之取瘥附后

疔腫惡瘡二仙散用生礬黃丹臨時等分以三稜針刺血待盡傳之不過三上決愈乃太醫李管勾方衛生方

蟲蛇獸毒及蠱毒生明礬明雄黃等分於端午日研末黃蠟和九梧子大每服七丸念藥王菩薩七遍熱水送下東坡良方

綠礬釋名

皂礬 青礬 煨赤者名綠礬 礬紅

李時珍曰綠礬可以染皂色故謂之皂礬又黑礬亦

名皂礬不堪服食惟瘡家用之煨赤者俗名礬紅以別朱紅也

集解

蘇頌曰綠礬出隰州溫泉縣池州銅陵縣並煎礬處生焉初生皆石也煎鍊乃成其形似朴消而綠色取置鐵板上聚炭燒之礬沸流出色赤如金汁者是真也沸定時汁盡則色如黃丹又有皂莢礬或云即綠礬也

蘇恭曰綠礬新出窟未見風者正如琉璃色人以爲石膽燒之赤色故名綠礬出瓜州者良

李時珍曰綠礬管地河內西安沙州皆出之狀如礬消其中揀出深青瑩淨者即爲青礬煨過變赤則爲綠礬入圻塹及漆匠家多用之然貨者亦雜以沙土爲塊昔人往往以青礬爲石膽誤矣

氣味

酸涼無毒

主治

蘇恭曰疳及諸瘡

大明曰喉痹蟲牙口瘡惡瘡疥癬膿魚燒灰服療腸風瀉血

李時珍曰消積滯燥脾濕化痰涎除脹滿黃腫瘡痢風眼口齒諸病

發明

李時珍曰綠礬酸涌清收燥濕解毒化涎之功與白礬同而力差緩按張三丰仙傳方載伐木丸云此方乃上清金蓮頭祖師所傳治脾土衰弱肝木氣盛木來尅土病心腹中滿或黃腫如土色服此能助土益

元用蒼木二斤米泔水浸二宿同黃酒麪糊四兩炒赤色皂礬一斤醋拌曬乾入瓶火煨爲末醋糊丸梧子大每服三四十九好酒米湯任下日二三服時珍常以此方加平胃散治一賤役中滿腹脹果有效驗蓋此礬色綠味酸燒之則赤既能入血分伐木又能燥濕化涎利小便消食積故服滿黃腫瘡痢疳疾方往往用之其源則自張仲景用礬石消石治女勞黃疸方中變化而來

蘇頌曰劉禹錫傳信方治喉痹用皂莢礬入好米醋同研含之嚥汁立瘥此方出於李礬甚奇妙皂莢礬即綠礬也

附方

重舌木舌皂礬二錢鐵上燒紅研搽之陸氏方
喉風腫閉皂礬一斤米醋三斤拌曬乾末吹之痰涎出盡用良薑末少許入茶內漱口嚥之即愈孫氏集效方
眼暴赤爛紅裏五斤入綠礬在內火煨熟以河水井水各一碗桃柳心各七箇煎稠每點少許入昔上元摘方

爛弦風眼青礬火煨出毒細研泡湯澄清點洗宋類方
倒睫拳毛方同上

瘡疾寒熱礬紅獨蒜頭煨等分搗丸芥子大每白湯嚥下一丸端午日合之方濟

少陰瘡疾嘔吐綠礬一錢乾薑泡半夏薑梨半兩爲末每服五分發日早以醋湯下聖濟方

翻胃吐食白麵二斤半蒸作大饅頭一箇頭上開口剗空將皂礬填滿以新瓦圍注鹽泥封固土窖安放文武火燒一夜取出研末棗肉爲丸梧子大每

服二十九空心酒湯任下忌酒色醫方摘要
大便不通皂礬一錢巴霜二箇同研入鷄子內攪勻封頭濕紙裹煨熟食之酒下即通方集元

腸風下血積年不止虛弱甚者一服取效綠礬四兩入砂鍋內新瓦蓋定鹽泥固濟煨赤取出入青鹽生硫黃各一兩研勻再入鍋中固濟煨赤取出用火毒研入熟附子末一兩粟米粥糊丸梧子大每空心米飲溫酒任下三十九丸方類

婦人血崩青礬二兩輕粉一錢爲末水丸梧子大每服三三十九新汲水下方類

血證黃腫綠礬四兩百草霜一升炒麪半升爲末沙糖和丸梧子大每服三四十九食後薑湯下鄭時舉所傳 又方小麥淘淨一斤皂礬半斤同炒黃爲末黑棗肉半斤搗勻米醋打糊丸梧子大每薑湯下八十九丸一日三服簡便方

脾病黃腫青礬四兩煨成赤珠子當歸四兩酒酵浸七日焙百草霜三兩爲末以浸藥酒打糊丸梧子大每服五九至七九溫水下一月後黃去立效此方祖傳七世 又方綠礬四兩百草霜五倍子各一兩木香一錢爲末酒煎飛麪丸梧子大每空心酒下五九 又方平胃散青礬二兩爲末醋糊丸米飲下或加烏沉湯四兩酒糊丸亦可江紀要

酒黃水腫黃腫積痛青礬半斤醋一大盞和勻瓦盆內煨乾爲度平胃散烏藥順氣散各半兩爲末醋煮糊丸梧子大每酒或薑湯下三三十九不忌口加鍋灰趙原機方
食勞黃病身目俱黃青礬鍋內安炭煨赤米醋拌爲

末棗肉和九梧子大每服三二十九食後薑湯下方

腹中食積綠礬二兩研米醋一大盞瓷器煎之柳條攪成膏入赤脚烏一兩研九菜豆大每空心溫酒下五九聖惠方

疳蟲食土及生物研綠礬末猪膽汁九菜豆大每米飲下五七九保幼大全方

小兒疳氣不可療者綠礬煨赤醋淬三次為末棗肉和九菜豆大每服十九溫水下日三集驗方

走馬疳瘡綠礬入鍋內炭火煨紅以醋拌勻如此三次為末入麝香少許溫漿水漱淨搽之試效方

白禿頭瘡皂礬棟樹子燒研搽之普濟方

小兒頭瘡綠礬一兩淡豉一兩炒黑膩粉二錢研勻以桑灰湯洗淨搽之良

小兒甜瘡大棗去核填入綠礬燒存性研貼之拔萃方

耳生爛瘡棗子去核包青礬煨研香油調傳之普濟方

蚰蜒入耳水調綠礬灌之普濟方

蛆入耳中綠礬摻之即化為水摘元方

瘡中生蛆綠礬末摻貼即化為水摘元方

湯火傷灼皂礬和凉水澆之其疼即止腫亦消楊誠驗方

用末厚傳之以輭帛緩裹當日即汁斷瘡乾每日一遍鹽湯洗濯有膿處使淨傳其痂乾處不須近但有急痛塗酥少許令潤五日即覺上痂依前洗傳十日痂漸剝盡輒處或更生白膿泡即擦破傳之自然瘥也張侍郎病此臥經六十日京醫並處方無效得此法如神王肅外臺聖要方

婦人甲疽婦人趾甲內生瘡惡肉突出久不愈名臭田螺用皂礬日曬夜露每以一二兩煎湯浸洗仍以礬末一兩加雄黃二錢硫黃一錢乳香沒藥各一錢研勻搽之醫方摘要方

塗染白髮綠礬薄荷烏頭等分為末以鐵漿水浸日染之相感志方

腋下胡氣綠礬半生半煨為末入少輕粉以半錢浴後薑汁調搽候十分熱痛乃止仁齋直指方

黃礬集解

蘇恭曰黃礬丹竈家所須亦入染家用

李時珍曰黃礬出陝西瓜州沙州及舶上來者為上黃色狀如梧桐淚人於綠礬中揀出黃色者充之非真也波斯出者打破中有金絲文謂之金線礬磨刀劍顯花文丹房鑑源云五色山脂吳黃礬也

氣味

酸澀鹹有毒

主治

蘇恭曰療瘡生肉

李珣曰野鷄瘻痔惡瘡疥癬

李杲曰治陽明風熱牙疼

聾耳出汁黃礬二兩燒枯綿裹二錢塞之聖惠方

婦人頑瘡每年頻發水銀一兩半以猪脂採擦令消盡入黃礬石末二兩胡粉一兩再加猪脂和令如泥洗瘡淨塗之別以胡粉塗膏上此甘家秘方也方后

身上癰疽黃礬石燒令汁盡胡粉炒令黃各八分細研以臘月猪脂和研如泥以生布指令痛乃塗藥五度取鷹糞白燕窠中草燒灰等分和人乳塗之其癰自滅肉平如故崔元亮普濟方

急疳蝕齒黃礬青礬半錢白礬燒一錢麝香一分為末傳之吐涎聖惠方

妬精陰瘡黃礬青礬麝香等分為末傳之不過三度千金方

天工開物

礬石 白礬

凡礬燔石而成白礬一種亦所在有之最盛者山西晉南直無為等州價值低賤與寒水石相彷彿然煎水極沸投礬化之以之藥物則固結膚膜之間外水未不入故製糖饒與染畫紙紅紙者需之其末乾撒又能治浸淫惡水故濕瘡家亦急需之也凡白礬掘土取磊塊石層疊煤炭餅鍛鍊如燒石灰樣火候已足冷定入水煎水極沸時盤中有澱溢如物飛出俗名蝴蝶礬則礬成矣煎濃之後入水缸內澄其上隆結日中礬潔白異常其沈下者曰紅礬礬虛如棉絮者曰柳絮礬燒汁至盡白如雪者謂之巴石方藥家煨過用者曰枯礬云

青礬 紅礬 黃礬 膽礬

凡皂紅黃礬皆出一種而成變化其質取煤炭外礦

石俗名炭子每五百斤入爐爐內用煤炭餅自來風者用鼓千餘斤周圍包裹此石爐外砌築土牆圍爐顛空一圓孔如茶盤口大透炭直上孔傍以礬滓厚此礬滓者非礬滓礬蓋則不成然後從底發火此火度經

十日方熄其孔眼時有金色光直上後款詳煨經十

日後冷定取出半酥雜碎者另揀出名曰時礬為煎礬紅用其中精粹如礬灰形者取入缸中浸二箇時澆入釜中煎煉每水十石煎至一石火候方足煎乾之後上結者皆佳好皂礬下者為礬滓此礬用此皂礬

礬染家必需用中國煎者亦惟五六所原石五百斤成皂礬二百斤其大端也其揀出時礬俗又名礬每斤

入黃土四兩入罐熬煉則成礬紅坭及油漆家用之其黃礬所出又奇甚乃即煉皂礬側土牆春夏經受火石精氣至霜降立冬之交冷靜之時其牆上自然爆出此種如淮北磚牆生焰硝樣刮取下來名

曰黃礬染家用之金色淡者塗炙立成紫赤也其黃礬自外國來打破中有金絲者名曰波斯礬別是一種又山陝燒取硫黃山上其滓棄地二三年後雨水

浸淋精液流入溝麓之中自然結成皂礬取而貨用不假煎煉其中色佳者人取以混石礬云石礬一名

礬礬者亦出晉陽等州乃山石穴中自結成者故綠色帶寶光燒鐵器滓於礬礬水中即成銅色本草載礬雖五種並未分別原委其崑崙礬狀如黑泥鐵礬狀如赤石脂者皆西域產也

青州府志

礬

出顏神鎮皆山石也採而碎之合石炭中黑石名曰

銅漬入礬煎煉乃成有白礬黑礬又有礬精礬蝴蝶皆煉白礬時候汁極沸有濺溢狀如物蜚出以鐵接之作蟲形者礬蝴蝶也但成塊光瑩如水晶者礬精也此二種入藥取效倍常

漳州府志

礬

本草曰初生皆石也採得碎之煎煉一名羽澤今平和有礬山宋時諸亡命竄名提點坑治司專其利權今不屬官而民間商販如舊

礬部紀事

聯軍志李恆家事巫祝陳增妻召恆恆索於水盆中沈白紙使增妻視之正見紙上一婦人被二鬼驅拽增妻惶懼告增增明召恆還以水盆沈之恆觀之正見紙上有十鬼驅拽題名云此李恆也恆慚走蓋以白礬中與紙同色

礬部雜錄

西溪叢語馬監場云泉州一僧能治金蠶蠱毒如中毒者先以白礬末令嘗不澀覺味甘次食黑豆不腥乃中毒也即濃煎石櫛根皮汁飲之下即吐出有蟲皆活無不愈者李晦之云凡中毒以白礬牙茶搗為末冷水飲之

黃部彙考

山海經

西山經

高山其下多青碧雄黃

釋凡山氣粹而瑩者為玉其次為雄黃皆正陽健氣也故玉屑雄黃皆可療疾

皇人之山其下多青雄黃

注即雌黃也或曰曾青空青之屬

長沙之山多青雄黃

槐江之山其上多青雄黃

軒轅之丘多青雄黃

天山有青雄黃

勃山其陰多青雄黃

中曲之山其陰多雄黃

北山經

譙明之山多青雄黃

中山經

葦山其下多青雄黃

白邊之山其下多青雄黃

陽華之山其陰多青雄黃

女凡之山落水出焉東注於江其中多雄黃

注雄黃亦出水中

龜山其下多青雄黃

大夫之山其下多青雄黃

淮南畢萬術

雄黃

夜燒雄黃水蟲成對來水蟲開燒雄黃氣皆趨火

石硫黃

西域使王暢說石硫黃出足彌山去高昌八百里有石硫黃數十丈從廣五六十畝有取硫黃者晝視孔中狀如煙而高數尺夜視皆如燈光明高尺餘暢所親見也

宋祁益部方物志

水硫黃

出資榮州山礪中秋潦已收里人布茅水上流沫攪聚取而熬之復投於水則成號真珠黃以淺黃色者爲上其用次海舶所來者乃曰厥生在石水蕩其液觸梗凝體品亞南船明李時珍本草綱目

雄黃釋名

黃金石 石黃 熏黃

吳普曰雄黃生山之陽是丹之雄所以名雄黃也蘇恭曰出石門者名石黃亦是雄黃而通名黃金石石門者爲劣爾惡者名重黃止用熏瘡疥故名之陳藏器曰今人識取石黃中精明者爲雄黃外黑者爲熏黃雄黃燒之不臭熏黃燒之則臭以此分別甄權曰雄黃金之苗也故南方近金冶處時有之但不及西來者真好耳寇宗奭曰非金苗也有金窟處無雄黃李時珍曰雄黃入點化黃金用故名黃金石非金苗也

集解

別錄曰雄黃生武都山谷燉煌山之陽采無時

陶弘景曰武都氏羌也是爲仇池宕昌亦有之小劣燉煌在涼州西數千里近來紛擾皆用石黃始興石黃之好者耳涼州黃好者作鷄冠色不臭而堅寔黑黯及虛輒者不好也

蘇恭曰宕昌武都者爲佳塊方數寸明徹如鷄冠或以爲枕服之辟惡其青黑堅者不入藥用貞觀年中以宕州新出有得方數尺者但重脆不可全致之耳掌禹錫曰水經注云黃水出零陵縣西北連巫山溪出雄黃頗有神異常以冬月祭祀鑿石深數丈方采得之故溪水取名焉又抱朴子云雄黃當得武都山所出者純而無雜其赤如鷄冠光明煜煜者乃可用其但純黃似雌黃色無光者不任作仙藥可合理病藥耳

蘇頌曰今階州即古武都山中有之形塊如丹砂明微不夾石其色如鷄冠者真有青黑色而堅者名熏黃有形色似真而氣臭者名臭黃並不入服食只可療瘡疥其臭以醋洗之便去足以亂真九宜辨又階州接西戎界出一種水窟雄黃生於山巖中有水流處其石名青煙石白鮮石雄黃出其中其塊大者如胡桃小者如栗豆上有孔竅其色深紅而微紫體極輕虛而功用更勝丹竈家尤貴重之

李時珍曰武都水窟雄黃北人以充丹砂但研細色帶黃耳丹房鑑源云雄黃千年化爲黃金武都者上西番次之鐵色者上鷄冠次之以沈水銀脚鐵末上拭了旋有黃衣生者爲真一云驗之可以煬蟲死者爲真細嚼口中含湯不臭粹者次之

雷敩曰凡使勿用臭黃氣臭黑雄黃色如烏鷄頭夾

賦黃一重黃一重石並不堪用真雄黃似鷄鵒鳥肝色者爲上

修治

雷敩曰每雄黃三兩以甘草紫背天葵地膽碧稜花各五兩細剉東流水入坩鍋中煮三伏時漉出搗如粉水飛澄去黑者曬乾再研用其內有劫鐵石又號赴矢黃能劫於鐵並不入藥用孫思邈曰凡服食用武都雄黃須油煎九日夜乃可入藥不爾有毒慎勿生用

李時珍曰一法用米醋入蘿蔔汁煮乾用良

抱朴子曰餌法或以蒸炙或以消食化爲水或以猪脂蒸之於赤土下或以松脂和之或以三物鍊之如布白如水服之令人長生除百病殺三蟲伏火者可點銅成金變銀成金

氣味

苦平寒有毒

別錄曰甘大溫

甄權曰辛有大毒

大明曰微毒

土宿真君曰南星地黃蒿苣五加皮紫河車地榆五葉藤黃今白芷當歸地錦鵲腸草鷄腸草苦參鵝不食草圓桑蠟脂皆可制雄黃

主治

本經曰寒熱風癰惡瘡疽疔死肌殺精物惡鬼邪氣百蟲毒勝五兵鍊食之輕身神仙

別錄曰療疥蟲蠱瘡日痛鼻中息肉及絕筋破骨百節中大風積聚癰氣中惡腹痛鬼疰殺諸蛇虺毒解

蔡蘆毒悅澤人而餌服之者皆飛入腦中勝鬼神延年益壽保中不饑得銅可作金

大明曰主疥癬風邪癰癩風障一切蟲獸傷

王好古曰搜肝氣瀉肝風消滯積

李時珍曰治瘧疾寒熱伏暑泄痢酒飲成癖驚癇頭

風眩暈化腹中瘀血殺勞蟲瘰癧

發明

甄權曰雄黃能殺百毒辟邪殺蠱毒人佩之鬼神不敢近入山林虎狼伏涉川水毒物不敢傷

抱朴子曰帶雄黃入山林即不畏蛇若蛇中人以少許傳之登時愈矣楚之地暑濕鬱蒸多毒蟲及射工沙虱之類但以雄黃大蒜等分合搗一九佩之或已中者塗之亦良

寇宗奭曰焚之蛇皆遠去治蛇咬方見五靈脂下唐書云甄立言究習方書為太常丞有尼年六十餘患

心腹鼓脹身體羸瘦已二年立言診之曰腹內有蟲當是誤食髮而然今餌雄黃一劑須臾吐出一蛇如

握指無目燒之猶有髮氣乃愈又明皇雜錄云有黃門奉使交廣回太醫周顧曰此人腹中有蚊龍上驚

問黃門有疾否曰臣馳馬大庾嶺熱困且渴遂飲澗水竟腹中堅痞如石周遂以消石雄黃煮服之立吐

一物長數寸大如指視之鱗甲皆具此皆殺蠱毒之驗也

蘇頌曰雄黃治瘡瘍尚矣周禮瘍醫療瘍以五毒攻之鄭康成注云今醫方有五毒之藥作之合黃整置

石膽丹砂雄黃礬石慈石其中燒之三日三夜其烟上著鷄羽掃取以注瘡惡肉破骨則盡出也楊億筆

記載楊嶠少時有瘍生於頰連齒輔車外腫若覆甌內潰出膿血痛楚難忍百療彌年不瘥人令依鄭法燒藥注之少頃朽骨連牙潰出遂愈信古方攻病之速也黃聲言武即今有益瓦合也

李時珍曰五毒藥范汪東陽方變為飛黃散治緩疽惡瘡蝕惡肉其法取瓦盆一箇安雌黃於中丹砂居

南慈石居北會青居東白石英居西礬石居上石膏次之鍾乳居下雄黃覆之雲母布於下各二兩未以

一盆蓋之羊毛泥固濟作三隅竈以陳草燒一日取其飛黃用之夫雄黃乃治瘡殺毒要藥也而入肝經

氣分故肝風肝氣驚癇痰涎頭痛眩暈暑瘧泄痢積聚諸病用之有殊功又能化血為水而方士乃鍊治

服餌神異其說被其毒者多矣按洪邁夷堅志云虞雍公允文感暑痢連月不瘥忽夢至一處見一人如

仙官延之坐壁間有藥方其辭云暑毒在脾濕氣連脚不泄則痢不痢則瘡獨鍊雄黃蒸餅和藥別作治

療醫家大錯公依方用雄黃水飛九度竹筒盛蒸七次研末蒸餅和九梧子大每甘草湯下七九日三服

愈太平廣記載成都劉無名服雄黃長生之說方士言耳不可信

雌黃釋名

李時珍曰生山之陰故曰雌黃土宿本草云陽石氣未足者為雌已足者為雄相距五百年而結為石造化有夫婦之道故曰雌雄

集解

別錄曰雌黃生武都山谷與雄黃同山生其陰山有金精黑則生雌黃采無時

陶弘景曰今雌黃出武都仇池者謂之武都仇池黃色小赤出扶南林邑者謂之崑崙黃色如金而似雲母甲錯畫家所重既有雌雄之名又同山之陰陽合藥便當以武都為勝仙經無單服法惟以合丹砂雄黃飛煉為丹耳金精是雌黃銅精是空青而服空青反勝於雌黃其義難了

雷敦曰雌黃一塊重四兩拆開得千重輒如爛金者佳其夾石及黑如鐵色者不可用

李時珍曰按獨孤泊丹房鑑源云背陰者雌黃也濕成者即黑色輕乾如焦錫塊臭黃作者硬而無衣試

法但於甲上磨之上色者好又燒熨斗底以雌黃劃如赤黃線一道者好舶上來如嚙血者上湖南者次

之青者尤佳葉子者為上造化黃金非此不成亦能柔五金乾汞轉硫黃伏粉霜又云雄黃變鐵雌黃變

錫

修治

雷敦曰凡修事勿令婦人雞犬新犯淫人有患人不男入非形人及曾是刑獄臭穢之地犯之則雌黃黑

如鐵色不堪用也反損人壽每四兩用天碧枝和陽草粟遂子草各五兩入瓷鍋中煮三伏時其色如金

汁一椀在鍋底下用東流水猛投於中如此淘三度去水拭乾曰中搗篩研如塵用又曰雌得芹花立便

成庚芹花一名立起草形如芍藥煮雌能住火也

氣味

辛平有毒

別錄曰大寒不入湯用

土宿真君曰芍藟地黃獨帶益母羊不食草地榆五

加皮瓦松冬瓜汁皆可制伏又雌見鉆及胡粉則黑

主治

本經曰惡瘡頭禿疥癬殺毒蟲虱身痒邪氣諸毒鍊之入服輕身增年不老

別錄曰蝕鼻內息肉下部匿瘡身面白駁散皮膚死肌及恍惚邪氣殺蜂蛇毒久服令人腦滿

李時珍曰治冷痰勞嗽血氣蟲積心腹痛癰癰解毒

發明

韓保昇曰雌黃發土故色黃而主脾

李時珍曰雌黃雄黃同產但以山陽山陰受氣不同分別故服食家重雄黃取其得純陽之精也雌黃則兼有陰氣故耳若夫治病則二黃之功亦彷彿大要皆取其溫中搜肝殺蟲解毒祛邪焉爾

附方

卒中邪魔雄黃末吹鼻中

鬼擊成病腹中煩滿欲絕雄黃粉酒服一刀圭日三服化血爲水也

辟穢魔魔以雄黃帶頭上或以漿許繫左腋下終身不魔

家有邪氣用真雄黃三錢水一盃以東南桃枝呪灑滿屋則絕迹勿令婦女見知

女人病邪女人與邪物交通獨言獨笑悲思恍惚者雄黃一兩松脂一兩溶化以虎爪攪之丸如彈子夜燒於籠中令女坐其上以被蒙之露頭在外不過三劑自斷仍以雄黃人參防風五味子等分爲末每旦井水服方寸匕取愈

小丹服法雄黃柏子仁各二斤松脂煉過十斤合搗

爲丸每旦北向服五九百日後拘魂制魄與神人交

轉女爲男婦人覺有妊以雄黃一兩絳囊盛之養胎轉女成男取陽精之全於地產也

小兒諸痢雄黃硃砂等分爲末每服一錢猪心血入蠶水調服

骨蒸發熱雄黃末一兩入小便一升研如粉乃取黃理石一枚方圓一尺者炭火燒之三食頃濃淋汁於石上置薄氈於上患人脫衣坐之衣被圍住勿令洩

氣三五度瘥

傷寒欬逆服藥無效雄黃二錢酒一盞煎七分乘熱嗅其氣即止

傷寒狐惑蟲蝕下部痛痒不止雄黃半兩燒於瓶中熏其下部

偏頭風病至靈散用雄黃細辛等分爲末每以一字吹鼻左痛吹右右痛吹左

五尸注病發則痛變無常昏沈重纏結臟腑上衝心脅即身中尸鬼接引爲害也雄黃大蒜各一兩杵丸彈子大每熱酒服一丸

腹脅痞塊雄黃一兩白礬一兩爲末麪糊調膏攤貼即見功效未效再貼待大便數百斤之狀乃愈

舊下疳瘻及傷飲食黃黃丸用雄黃一兩巴豆五錢同研入白麪二兩滴水爲丸梧子大服二十四丸漿水煮三十沸入冷漿水沈冷吞下以利爲度如神

飲酒成癖酒癰丸治飲酒過度頭旋惡心嘔吐及酒積停於胃間遇飲即吐久而成癖雄黃皂角子大六

箇巴豆連皮油十五箇蠟梢十五箇同研入白麪五兩半滴水爲丸豆大將乾入麩內炒香將一粒放水試浮則取起收之每服二九溫酒下

髮癰飲油有飲油五升以來方快者不爾則病此是髮入於胃氣血裹之化爲蟲也雄黃半兩爲末水調服之

癰疽積聚去三尸益氣延年却老雄黃二兩爲末水飛九度入新竹筒內以蒸餅塊塞口蒸七度用好粉脂一兩和九葉豆大每服七丸酒下日三服

小腹痛滿不得小便雄黃末蜜丸塞陰孔中

陰腫如斗痛不可忍雄黃礬石各二兩甘草一尺水五升煮二升浸之

中飲食毒雄黃青黛等分爲末每服二錢新汲水下

蟲毒蠱毒雄黃生礬等分端午日研化蠟丸梧子大每服七丸念藥王菩薩七遍熱水下

結陰便血雄黃不拘多少入棗肉線繫定煎湯用鈆一兩化汁傾入湯內煮自早至晚不住添沸取出爲末共棗杵和丸梧子大每服三十九煎黑銚湯空心下只三服止

暑毒泄痢方見發明下

中風舌強正舌散用雄黃荊芥穗等分爲末豆淋酒服二錢

破傷中風雄黃白芷等分爲末酒煎灌之即甦

風狗咬傷雄黃五錢麝香二錢爲末酒下作二服

百蟲入耳雄黃燒熱熏之目出_{良方}

馬汗入瘡雄黃白礬各一錢烏梅三箇巴豆一箇合

研以油調五分傳之良方_{經驗}

蜘蛛傷人雄黃末傳之_{金載}

金瘡內漏雄黃半豆大納之仍以小便服五錢血皆

化為水_{肘後}

杖瘡腫痛雄黃二分蜜陀僧一分研末水調服之極

妙_{救急}

中藥箭毒雄黃末傳之沸汁出愈_{外臺}

解黎蘆毒水服雄黃末一錢_{外臺}

小兒痘疔雄黃一錢紫草三錢為末胭脂汁調先以

銀簪挑破搽之極妙_{痘疹}

白禿頭瘡雄黃猪膽汁和傳之_{聖濟}

眉毛脫落雄黃末一兩醋和塗之_{聖濟}

筋肉化蟲有蟲如蟹走於皮下作聲如小兒啼為筋

肉之化雄黃雷丸各一兩為末摻猪肉上炙熟吃盡

自安_{夏氏奇}

風痒如蟲成煉雄黃松脂等分為末蜜丸梧子大每

飲下十九日三服百日不忌酒肉鹽豉_{千金}

疔瘡惡毒千金方刺四邊及中心以雄黃末傳之神

驗 積德堂方用雄黃蟾酥各五分為末慈蜜搗丸

小米大以針刺破瘡頂插入甚妙

廣東惡瘡雄黃一錢五分杏仁三十粒去皮輕粉一

錢為末洗淨以雄猪膽汁調上三三日即愈_{積德}

蛇纏惡瘡雄黃末醋調傳之_{普濟}

纏喉風痺雄黃磨新汲水一盞服取吐下愈_{金方}

風熱鼻痛雄黃乾薑各等分為末噴鼻左痛噴右右

痛嘴左

牙齒蟲痛雄黃末和棗肉丸塞孔中_要

走馬牙疳臭爛出血雄黃豆大七粒每粒以淮棗去

核包之鐵線申於燈上燒化為末每以少許摻之去

涎以愈為度_{金鑑}

小兒牙疳雄黃一錢銅綠二錢為末貼之_{陳氏小}

疳蟲蝕鼻雄黃葶藶等分研末臘猪脂和用槐枝點

之_{金鑑}

耳出臭膿雄黃雌黃硫黃等分為末吹之_{聖濟}

臙瘡日久雄黃二錢陳皮五錢青布捲作大撚燒烟

熏之熱水流出數次愈_{華峰}

鼻準赤色雄黃硫黃各五錢水粉二錢用頭生乳汁

調傳不過三五次愈_{用生妙}

小便不通熏黃末豆許納孔中良_方

卅年呬嗽熏黃木香其荇子等分為末羊脂塗青紙

上以末鋪之竹筒燒烟吸之_{羅氏}

欬嗽熏法熏黃一兩以蠟紙調捲作筒十枚燒烟吸

嚥取吐止一日一熏惟食白粥七日後以羊羹補之

_{千金}

水腫上氣欬嗽腹脹熏黃一兩款冬花二分熟艾一

分以蠟紙鋪艾灑二末於上荇管捲成筒燒烟吸嚥

三十日則瘥三日盡一劑百日斷鹽醋_{外臺}

手足甲疽熏黃蛇皮等分為末以泔洗淨割去甲入

肉處傳之食頃痛定神效_{近效}

反胃吐食雌黃二分生甘草半分為末飯丸梧子大

以五葉草糯米煎湯每服四九_{聖濟}

停痰吐胃喘息不通呼吸欲絕雌黃一兩雄黃一錢

為末化蠟丸彈子大每服一九半夜時投熱糯米粥

中食之_{方濟生}

心痛吐水不下飲食發止不定雌黃二兩醋二斤慢

火煎成膏用乾蒸餅和丸梧子大每服七九薑湯下

_{聖濟}

婦人久冷血氣攻心痛不止以葉子雌黃二兩細研

醋一斤煎濃和丸小豉大每服十五丸醋湯下_{聖濟}

小腹痛滿天行病小腹滿不得小便雌黃末蜜丸納

尿孔中入半寸_{肘後}

癰癤瘰癧眼暗暗舌雌黃黃丹炒各一兩為末入麝

香少許以牛乳汁半升蒸成膏和杵千下丸麻子大

每溫水服四五丸_{方直指}

肺勞欬嗽雌黃一兩人瓦合內不固濟坐地上以火

焙之厚二寸以炭一斤簍定頂火煨三分去一退火

出毒為末糖酥和丸粟米大每日空心杏仁湯下三

丸_{斗門}

久嗽暴嗽金粟丸用葉子雌黃一兩研以紙筋泥固

濟小合子一箇令乾盛藥水調赤石脂封口更以泥

封待乾架在地上炭火十斤簍煨候火消二分之一

去火候冷取出當如鏡面光明紅色鉢內細研蒸餅

丸粟米大每服三九五九甘草水服服後睡良久_{金勝}

腎消尿數乾薑半兩以鹽四錢炒黃成顆雌黃一兩

半為末蒸餅和丸綠豆大每服十九至二十九空心

鹽湯下之_{聖濟}

烏癰蟲瘡雌黃粉醋和鷄子黃調塗之_{聖濟}

牛皮頑癬雌黃末入輕粉和猪膏傳之_{方直指}

石硫黃釋名

硫黃 黃礬砂 黃牙 陽侯 將軍

李時珍曰硫黃本純陽火石之精氣而結成性質通
硫色賦中黃故名硫黃含其猛毒爲七十二石之將
故藥品中號爲將軍外家謂之陽侯亦曰黃牙又曰
黃礬砂

集解

別錄曰石硫黃生東海牧牛山谷中及太行河西山
礬石液也

吳普曰或生易陽或生河西或五色黃是潘水石液
也燒金有紫焰八月九月採

陶弘景曰東海郡屬北徐州而箕山亦有今第一出

湖南林邑色如鵝子初出殼者名崑崙黃次出外國
從蜀中來色深而煌煌此云礬石液今南方則無礬
色恐不必爾

李珣曰廣州記云生崑崙國及波斯國西方明之境

顯塊瑩淨不夾石者良蜀中雅州亦出之光膩甚好
功力不及舶上來者

蘇頌曰今惟出南海諸番嶺外諸郡或有而不甚佳
鵝黃者名崑崙黃亦名石亭脂青色者名冬結

石半白半黑者名神驚石並不堪入藥又有一種水
硫黃出廣南及資州溪澗水中流出以茅收取熬出

號眞珠黃氣腥臭止入瘡藥亦可煎鍊成汁以模寫
作器亦如鵝子黃色

李時珍曰凡產石硫黃之處必有溫泉作硫黃氣魏
書云盤盤國有火山山旁皆焦溶流數十里乃疑堅

卽石硫黃也張華博物志云西域硫黃出且彌山去

高昌八百里有山高數十丈晝則孔中狀如烟夜則
如燈光庚辛玉冊云硫黃有二種石硫黃生南海琉
球山中土硫黃生於廣南以嚼之無聲者爲佳舶上
倭硫黃亦佳今人用配消石作烽燧烟火爲軍中要
物

修治

雷斅曰凡使勿用青赤色及半白半青半赤半黑者

自有黃色內瑩淨如物命者貴也凡用四兩先以龍
尾蒿自然汁一盞東流水三盞紫背天葵汁一盞粟

逐子莖汁四件合攪令勻入坩鍋內用六乙泥固濟
底下將硫黃碎之入鍋中以前汁旋旋添入火煮汁

盡爲度再以百部末十兩柳芽末二斤一簇草二斤
細剉以東流水同硫黃煮二伏時取出去諸藥用熟

甘草湯洗了入鉢研二萬匝用
李時珍曰凡用硫黃入丸散用須以蘿蔔剉空入硫

在內合定稻糠火煨熟去其臭氣以紫背浮萍同煮

過消其火毒以皂莢湯淘之去其黑漿一法打碎以
絹袋盛用無灰酒煮三伏時用又消石能化硫爲水

以竹筒盛硫埋馬糞中一月亦成水名硫黃液

氣味

酸溫有毒

別錄曰大熱

吳普曰神農黃帝雷公鹹有毒醫和扁鵲苦無毒

甄權曰有大毒以黑錫煎湯解之及食冷猪血
李珣曰人能制伏歸本色服之能除百病如有發動

宜猪肉鴨羹餘甘子湯並解之
葛洪曰四黃惟陽侯爲尊金石煨煉者不可用惟草

木制伏者堪入藥用桑灰益母紫荷波稜天鹽桑白
皮地骨皮車前馬鞭草黃蘗何首烏石葦薺麥獨帶
地榆蛇牀兔絲莖麻蠶砂或灰或汁皆可伏之
徐之才曰曾青爲之使畏細辛飛廉朴消鐵醋
元壽先生曰硫是礬之液礬是鐵之精礬石是鐵之
母故鐵砂慈石制入硫黃立成紫粉

主治

本經曰婦人陰蝕疳痔惡血堅筋骨除頭禿能化金

銀銅鐵奇物
別錄曰療心腹積聚邪氣冷痛在脇放逆上氣脚冷

疼弱無力及鼻衄惡瘡下部匿瘡止血殺疥蟲
吳普曰治婦人血結

甄權曰下氣治腰腎久冷除冷風頑痹寒熱生用治

疥癬鍊服主虛損泄精
大明曰壯陽道補筋骨勞損風勞止嗽殺藏虫邪魅

李珣曰長肌膚益氣力老人風秘並宜鍊服

李時珍曰主虛寒久痢滑泄霍亂補命門不足陽氣
暴絕陰毒傷寒小兒慢驚

發明
陶弘景曰俗方用治脚弱及痼冷甚效仙經頗用之

所化奇物並是黃白術及合丹法
蘇頌曰古方未有服餌硫黃者本經所用止於治瘡

蝕攻積聚冷氣脚弱等而近世遂火鍊治爲常服丸
散觀其治鍊服食之法殊無本源非若乳石之有論

議節度故服之其效雖緊而其患更速不可不戒之士
硫黃辛熱腥臭止可治疥殺蟲不可服

寇宗奭曰今人治下元虛冷元氣將絕久患寒泄脾胃虛弱垂命欲盡服之無不效中病當便已不可盡劑世人蓋知用而為福而不知其為禍此物損益兼行故也如病熱危急可加丸數服少則不效仍加附子乾薑桂

王好古曰如太白丹來復丹皆用硫黃佐以消石至陽佐以至陰與仲景白通湯佐以人尿猪膽汁大意相同所以治內傷生令外冒暑熱霍亂諸病能去格拒之寒兼有伏陽不得不爾如無伏陽只是陰虛更不必以陰藥佐之何也硫黃亦號將軍功能破邪歸正返滯還清挺出陽精消陰化魄

李時珍曰硫黃秉純陽之精賦大熱之性能補命門真火不足且其性雖熱而疎利大腸又與燥瀉者不同蓋亦救危妙藥也但鍊制久服則有偏勝之害况服食者又皆假此縱欲自速其咎於藥何責焉按孫升談圃云硫黃神仙藥也每歲三伏日餌百粒去臟腑積滯有驗但硫黃伏生於石下陽氣溶液凝結而就其性大熱火鍊服之多發背疽方曰泊宅編云金液丹乃硫黃鍊成純陽之物有痼冷者所宜今夏至人多服之反為大患韓退之作文戒服食而晚年服硫黃而死可不戒乎夏英公有冷病服硫黃鍾乳莫之紀極竟以壽終此其受與人異也洪邁夷堅志云唐與正亦知醫能以意治疾吳巡檢病不得渡臥則微通立則不能涓滴通用通利藥不效唐問其平日自制黑錫丹常服因悟曰此必結砂時砂飛去鈔不死鈔砂入膀胱臥則偏重猶可渡立則正塞水道故不通取金液丹三百粒分為十服煎瞿麥湯下鈔

得硫氣則化累累水道下病遂愈硫之化鈔載在經方苟無通變豈能臻妙類編云仁和縣一吏早衰齒落不已一道人令以生硫黃入猪臟中煮熟搗丸或入蒸餅九梧子大隨意服之飲啖倍常步履輕捷年踰九十猶康健後食牛血遂洞泄如金水廷倅而死醫官管範云猪肪能制硫黃此用猪臟尤妙王樞使亦常服之

石硫赤釋名
石亭脂 石流丹 石流芝

集解

別錄曰理如石者生山石間

吳普曰生羌道山谷

李時珍曰此即硫黃之多赤者名石亭脂而近世通呼硫黃為石亭脂亦未考此也按抱朴子云石流丹石之赤精石硫黃之類也浸溢於崖岸之間其濡濕者可丸服堅結者可散服五岳皆有而箕山為多許由巢父服之即石流芝是矣

氣味

苦溫無毒

主治

別錄曰婦人帶下止血輕身長年

李時珍曰壯陽除冷治瘡殺蟲功同硫黃

石硫青釋名

冬結石

別錄曰生武都山石間青白色故名

李時珍曰此硫黃之多青色者蘇頌圖經言石亭脂冬結石並不堪入藥未深考此也

氣味
酸溫無毒

主治

別錄曰療洩益肝氣明目輕身長年

李時珍曰治瘡殺蟲功同硫黃

硫黃香

陳藏器曰味辛溫無毒去惡氣殺蟲似硫黃而香云出毗南國

附方

硫黃孟方此孟配合造化調理陰陽奪天地沖和之氣乃水火既濟之方不冷不熱不緩不急有延年却老之功脫胎換骨之妙大能清上實下升降陰陽通九竅殺三蟲除夢泄悅容顏解頭風開胸膈化痰涎明耳目潤肌膚添精髓鑄痼疾又治婦人血海枯寒赤白帶下其法用瓷盃以胡桃擦過用無砂石硫黃生溶成汁入明礬少許則塵垢悉淨以杖掠去綿濾過再入盃溶化傾入盃內盃成盃取出埋土中一夜木賊打光用之欲紅入硃砂欲青則入葡萄研勻同煮成每用熱酒二盃清早空心溫服則百病皆除紫霞盃方藥石林水雲錄云用硫黃袋盛懸罐內以紫背浮萍同水煮之數十沸取出候乾研末十兩用珍珠琥珀乳香雄黃硃砂羊起石赤石脂片腦紫粉白芷甘松三奈木香血竭沒藥韶腦安息香各一錢麝香七分金箔二十片為末入銅勺中慢火溶化以好樣酒盃一箇周圍以粉紙包裹中開一孔傾硫入內旋轉令勻投冷水中取出每旦盛酒飲二三盃功同上方

金液丹固真氣暖丹田堅筋骨壯陽道除久寒痼冷
補勞傷虛損治男子腰腎久冷心腹積聚脊下冷痛
腹中諸蟲失精遺尿形羸力劣腰膝痛弱冷風頑癬
上氣鯁血欬逆寒熱霍亂轉筋虛滑下利又治痔瘡
濕墮生瘡下血不止及婦人血結寒熱陰蝕疽痔等
用石硫黃十兩研水用瓷盒盛以水和赤石脂封口
鹽泥固濟日乾地內先埋一小罐盛水令滿安盒在
內用泥固濟慢火養七日七夜候足加頂火一斤煨
俟冷取出研末每一兩用蒸餅一兩水浸為丸如梧
子大每服三十九空心米飲服又治傷寒身冷脉微
或吐或利或自汗不止或小便不禁併宜服之得身
熱脉出為度惠民和劑局方

王方平通靈玉粉散治腰膝暖水臟益顏色其功不
可具載硫黃半斤桑柴灰五斗淋取汁煮三伏時以
鐵匙抄於火上試之伏火即止候乾以大火煨之如
未伏更煮以伏為度煨了研末穿地坑一尺二寸投
水於中待水清取和硫末坩鍋內煎如膏鐵剗抄出
細研飯九麻子大每空心鹽湯下十九極效杜光庭玉函方
風毒脚氣痺弱硫黃末三兩鍾乳五升煮沸入水煎
至三升每服三合又法生乳三升煎一升半以五合
調硫黃末一兩服厚蓋取汗勿見風末汗再服將息
調理數日更服北人用此多效煎為丸服亦可明後方
陰證傷寒極冷厥逆煩躁腹痛無脉危甚者船上硫
黃為末艾湯服三錢得睡汗出而愈本事方

陰陽二毒黑龍丹用船上硫黃一兩柳木搥研二三
日巴豆一兩和殼計箇數用三升鑊子一口將硫鋪
底安豆於上以醋米醋半斤澆之盡子緊合定醋紙

固縫類以醋潤之文武火熬候豆作聲可一半為度
急將鑊子離火即便入日中搗細再以醋洗鑊中藥
入日旋下蒸餅搗丸雞頭子大若是陰毒用椒四十
九粒葱白二莖水一盞煎六分熱吞下一丸陽毒用
豆豉四十九粒葱白一莖水一盞煎同前吞下不得
嚼破經五六日方可服之孕婦吐瀉亦可服博濟方
一切冷氣積塊作痛硫黃煅硝各四兩結砂青皮陳
皮各四兩為末糊九梧子大每空心米飲下三十九
方鮑氏

元臟久冷腹痛虛泄裏急玉粉丹用生硫黃五兩青
鹽一兩細研以蒸餅九菉豆大每服五九空心熱酒
下以食壓之經驗方

元臟冷泄腹痛虛極硫黃一兩黃蠟化丸梧子大每
服五九新汲水下一加青鹽二錢蒸餅和九酒下清普方

氣虛暴泄日夜二三十行腹痛不止朝真丹用硫黃
二兩枯礬半兩研細水浸蒸餅九梧子大硃砂為衣
每服十五九至二十九溫水下或鹽湯任下夏月路
行備急最妙孫尚藥寶方

伏暑傷冷二氣交錯中脘痞結或泄或嘔或霍亂厥
逆二氣丹硫黃消石等分研末石器炒成沙再研糯
米糊丸梧子大每服四十九新井水下清生方

傷暑吐瀉硫黃消石等分為末每服一錢米飲下即
止良方

霍亂吐瀉硫黃一兩胡椒五錢為末黃蠟一兩化丸
皇子大每凉水下一丸聖濟錄
小兒吐瀉不拘冷熱驚吐反胃一切吐利諸治不效

者二氣散用硫黃半兩水銀二錢半研不見星每服
一字至半錢生薑水調下其吐立止或同炒結砂為
丸方見靈砂下錢氏小兒方
脾虛下白脾胃虛冷停水滯氣凝成白涕下出船上
硫黃一兩研末炒麪一分同研痼冷熱水丸梧子大
每米湯下五十九楊子建說命方
下痢虛寒硫黃半兩黃麻仁七箇為末填臍中以衣
隔熱湯熨之止乃已方仁存

脅熱下痢赤白用硫黃蛤粉等分為末糊九梧子大
每服十五九米飲下方南

老人冷秘風秘或泄瀉煖元臟除積冷溫脾胃進飲
食治心腹一切痞癖冷氣硫黃柳木槌研細半夏湯
泡七次焙研等分生薑自然汁調蒸餅和杵百十九
梧子大每服十五九至二十九空心溫酒或薑湯下
婦人醋湯下局方

久瘧不止鮑氏方用硫黃硃砂等分為末每服二錢
臘茶清發日五更服當日或大作或不作皆其效也
寒多倍硫熱多倍砂 朱氏方用硫黃臘茶等分為
末發日早冷水服二錢二服效寒多加硫熱多加茶
酒隨氣飽嗜酒任氣血凝於氣則為氣鬱嗜酒痼冷
敗血入酒則為血鬱搖頭掉尾大者如鼈小者如錢
上侵人喉下蝕人肛或附背骨或隱腸膽用生硫黃
末老酒調下常服之直指方

欬逆打呃硫黃燒烟喫之立止醫方摘要

頭痛頭風如神丹光明硫黃消石各一兩細研水丸
芡子大空心嚼一丸茶下普濟方

腎虛頭痛聖惠方用硫黃一兩胡粉為末飯九梧子

大痛時冷水服五丸即止 本事方用硫黃末食鹽等分水調生麴糊丸梧子大每薄荷茶下五丸 普濟方用生硫黃六錢烏藥四錢爲末蒸餅丸梧子大每服三五丸食後茶清下

鼻上作痛上品硫黃末冷水調搽

酒釀赤鼻生硫黃半兩杏仁二錢輕粉一錢夜夜搽之 瑞竹堂方用舶上硫黃雞心檳榔等分片腦少許爲末絹包日日擦之加蓖麻油更妙

鼻面紫風乃風熱上攻陽明經絡亦治風刺癢疹船上硫黃白礬枯等分爲末每以黃丹少許以津液和塗之一月見效

身面疣目蠟紙卷硫黃末少許點之瘡之有聲目即去

瘰癧風病白色成片以布拭醋摩硫黃附子塗之或硫黃白礬擦之

小兒聾耳硫黃末和蠟作挺插之日二易

小兒口瘡糜爛生硫黃水調塗手心足心效即洗去

耳卒聲閉硫黃雄黃等分研末綿裹塞耳數日即聞

諸瘡弩肉出數寸硫黃末肉上傅之即縮

癰疽不合石硫黃粉以筋蘸插入孔中以瘻爲度

一切惡瘡眞君妙神散用好硫黃三兩蕎麥粉二兩爲末井水和捏作小餅日乾收之臨用細研新汲水調傳之即愈

疥瘡有虫硫黃末以雞子煎香油調搽極效

頑癬不愈傾過銀有蓋罐子入硫黃一兩溶化取起冷定打開取硫黃同蓋研末搽之

女子陰瘡硫黃末傅之瘡乃止

玉門寬冷硫黃煎水頻洗

小兒夜啼硫黃二錢半鉛丹二兩研勻瓶固煨過埋土中七日取出飯丸黍米大每服二丸冷水下

陰濕瘡痂硫黃傅之日三

硫黃

凡硫黃乃燒石承液而結就著書者誤以焚石爲礬石遂有礬液之說然燒取硫黃石半出特生白石半出煤礬燒礬石此礬液之說所由混也又言中國有溫泉處必有硫黃今東海廣南產硫黃處又無溫泉此因溫泉水氣似硫黃故意度言之也凡燒硫黃石與煤礬石同形掘取其石用煤炭餅包裹蓋架外築土作爐炭與石皆載千斤於內爐上用燒硫舊滓器蓋中頂隆起透一圓孔其中火力到時孔內透出黃焰金光先教陶家燒一鉢孟其孟當中隆起邊弦捲成魚袋樣覆於孔上石精感受火神化出黃光飛走遇孟掩住不能上飛則化成汁液靠著孟底其液流入弦袋之中其弦又透小眼流入冷道灰槽小池則凝結而成硫黃矣其炭煤礬石燒取皂礬者當其黃光上起時仍用此法掩蓋以取硫黃得硫黃一斤則減去皂礬三十餘斤其礬精華已結硫黃則枯滓遂爲棄物凡火藥硫爲純陽稍爲純陰兩精逼合成聲

成髮此乾坤幻出神物也硫黃不產北狄或產而不知煉取亦不可知至奇砲出西洋與紅夷則自東徂西數萬里皆產硫黃之地也其琉球土硫黃廣南水硫黃皆誤紀也

黃部紀事

晉書五行志元帝太興三年南平郡山崩出雄黃數千斤時王敦陵傲帝優客之示含養禍萌也西陽雜俎元宗幸蜀夢孫思邈乞武都雄黃乃命使齋十斤送於巖眉頂上中使上山未半見一人幅巾被葛鬚髮皓白二童青衣九髻夾侍立屏風側手指大盤石白可致藥於此上有表錄上皇帝使視石牀朱書百餘字遂錄之隨寫隨滅寫畢上無復字矣須臾白氣漫起因忽不見雲仙雜記元載飲食冷物用硫黃枕唐國史補韋山甫以石硫黃濟人嗜欲其術大行稽神錄陳金者少爲軍士隸江西節度使部下劉信圍虔州金私與其徒五人發一大塚開棺見白髯老人面如生逼身白羅衣衣皆如新開棺時即有白氣衝天墓中有非常香馥金獨視棺蓋上有物如粉微作硫黃氣金素聞棺中硫黃爲藥可成仙即以衣襟掬取懷歸墓中無他金寶即共掩之而出既至營中營中人皆驚云今日那得香氣全如硫黃之異且則